

Aningaasatigut peqquserluutinik malunnarunnaarsaaneq aamma peqqarniisaarniarnermut aningaasalersuineq pitsaaliorniarlugit pineqaatissiissutit pillugit inatsisini (aningaasatigut peqquserluutinik malunnarunnaarsaaneq pillugu inatsit) inatsisit assigiinngitsut aalajangersagaanni, Kalaallit Nunaani ataatsimut peqqussummik Kalaallit Nunaanni Namminersorlutik Oqartussat atulersitsinerat pillugu Inatsisartunut aalajangiiffigisassatut siunnersuut
(Aningaasaqarnermut Akileraartarnermullu Naalakkersuisoq)

Akissuteqaat

(Aningaasaqarnermut Akileraartarnermullu Naalakkersuisoq)

Aappassaaneerera

Naalakkersuisut Aningaasaqarnermut Akileraartarnermullu Ataatsimiititaliaq aalajangiiffigisassatut siunnersuutip uuma suliarineqarneranut aamma ataatsimiititaliami suliarineqarnerani inatsimmut allannguutit teknikkikkut saqqummiunneqarneranni tapersiinnissamut periarfissinneqarnikuunermut qutsavigaat.

Naalakkersuisut tamatuma saniatigut paasivaat ataatsimiititaliami amerlanerussuteqartut aalajangiiffigisassatut siunnersuut taperseraat.

Kalaallit Nunaanni Politikikkut nuimasut pillugit allattuiviup Naalakkersuisut nittartagaanni tamanut saqqummiunneqarnissaa ataatsimiititaliap isumaliutissiissummini ujjartorjaa, inuillu Kalaallit Nunaanni allattuivimmiittut tamanna pillugu ilisimatinneqarsimanersut paasitinneqarnissaq kissaatigalugu.

Politikkikkut nuimasunik allattuivik Finanstilsynimit aqunneqarpoq nakkutilliiviullu nittartagaani pissarsiarineqarsinnaalluni. Naalagaaffimmi inatsisip pineqarnera tamassumunnga pissutaavoq. Allattuivik Naalakkersuisut nittartagaanni tamanut saqqummiunnagu, Finanstilsynip pisortatigoortumik allattuiviannut Naalakkersuisut nittartagaanni iserfissaqarpat pitsaanerussiaaq. Taamaaliornikkut allattuiviup nutaanersap tamatigut pisassarsiarineqarsinnaanera qulakkeerpeqassaaq.

Finanstilsyni inunnut inuit politikkerinik nuimasunik allattuivimmiittunut maannakkut ilisimatitsineq ajorpoq. Allattuivik sulisoqarfinit nalunaarut malillugu tamassuminnga pisussaaffeqartunit arlalinnit nalunaarutit tunngavigalugit suliarineqartarpoq. Assersuutigalugu ilimagineqarpoq Inatsisartut Allattoqarfiat Inatsisartunut ilaasortanik il.il. nalunaaruteqartassasoq. Taamaammat sulisoqarfiit inunnut nalunaarutigineqartunut ilisimatitsinissaat naleqqunnerpaajorpasippoq.

Aningaasanut tiguneqarsinnaasunut killigititap sakkortusinera nunatta aningaasatigut peqquserluutinik malunnarunnaarsaanermut illersorneqarnera pitsanngortissavaa. Peqatigitilluguli aamma digitalinngorlugu akiliisinnaanermut annertunerusunik piunasaqaateqartoqalerluni. Naalakkersuisut malugaat avinngarusimasuni aningaaseriveqarnermi sullissinerup pitsanngortinnissaanik pisariaqartitsineq pillugu oqaloqatigiinnissap aallartinneqarnissaa ataatsimiititaliap kissaatigigaa.

Ikinnerussuteqarluni oqaaseqaammut tunngatillugu inuussutissarsiornermik ingerlataqartumik ataasiinnarmit uparuarneqarpoq, aningaasanut tiguneqarsinnaasunut killigititap sakkortusinera ajornartorsiortitsilersinnaasoq.

Naalakkersuisut taamatut oqaaseqarlutik siunnersuutip oqaluuserineqarnissaa qilanaaraat.